

07  
378

**BOSNA I HERCEGOVINA  
FEDERACIJA BiH  
ZENIČKO - DOBOJSKI KANTON  
GRAD ZENICA**

Služba za boračko-invalidsku i socijalnu zaštitu, stambene poslove i društvene djelatnosti

Broj: 07-45/2020 /2020  
Zenica, 25.02.2020. godine

Na osnovu Zakona o socijalnoj zaštiti, zaštiti civilnih žrtava rata i zaštite porodice sa djecom, ("Službene novine Ze- Do Kantona" broj: 13/07), člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine" broj: 49/06 i 51/09) i na osnovu člana 11., 34. i 117. Statuta Grada Zenica ("Službene novine Općine Zenica" broj: 04/08), Grad Zenica objavljuje:

**JAVNI POZIV**

**o dodjeli novčane pomoći pojedincima za nabavku GPS narukvica djeci/osobama sa teškoćama u razvoju/invaliditetom sa područja Grada Zenica**

Pravo na dodjelu novčane pomoći ostvaruju djeca/osobe sa teškoćama u razvoju/invaliditetom težim i teškim intelektualnim poteškoćama sa područja Grada Zenica, na osnovu dostavljene medicinske dokumentacije koju daje doktor/specijalista, a na osnovu koje je utvrđena potreba za navedenim pomagalom kao i druga dokumentacija kojom se dokazuje potreba za korištenje istog.

Potrebna dokumentacija:

1. Zahtjev (dostavlja se putem protokola Gradske uprave Zenica);
2. Dokaz o prebivalištu (podnosioci zahtjeva imaju prebivalište na području Grada Zenica najmanje 2 (dvije) godine prije podnošenja zahtjeva za ostvarivanje prava);
3. Kopija lične karte roditelja/staratelja;
4. Dokumentacija koju daje doktor/specijalista, a na osnovu koje je utvrđena potreba za pomagalom kao i druga dokumentacija kojom se dokazuje potreba za korištenje istog;
5. Predračun za nabavku GPS narukvice;
6. Kopiju tekućeg računa iz banke
7. Po potrebi i drugi dokazi iz kojih je vidljiva opravdanost zahtjeva;
8. Izjava o saglasnosti za obradu ličnih podataka u vezi sa predmetnim zahtjevom.

Zahtjeve za dodjelu novčane pomoći za nabavku GPS narukvica razmatra Komisija, u sastavu od tri člana: član iz oblasti medicinske struke, član/predstavnik organizacije/udruženja i član ispred Službe za boračko-invalidsku i socijalnu zaštitu, stambene poslove i društvene djelatnosti.

Komisija razmatra dostavljene zahtjeve i daje prijedlog odnosno utvrđuje listu korisnika koji ispunjavaju uslove, te istu dostavljaju na saglasnost Gradonačelniku.

Ostvarivanje prava na novčanu pomoć za nabavku GPS narukvica, vršit će se po redoslijedu primljenih zahtjeva do utroška obezbijeđenih finansijskih sredstava za tekuću budžetsku godinu. Novčana pomoć isplaćivat će se u maksimalnom iznosu do 300,00 KM, po dostavljenom predračunu.

Zahtjev za dodjelu novčane pomoći za nabavku GPS narukvica, može se preuzeti putem zvanične web stranice Grada: [www.zenica.ba](http://www.zenica.ba), na Info pultu Gradske uprave.

Zahtjev sa pratećom dokumentacijom (original ili ovjerena kopija) može se podnijeti u roku od 30 dana od dana objavljivanja Javnog poziva u sredstvima informisanja, putem protokola Gradske uprave Grada Zenica, radnim danom od 08 do 16 sati ili poštom preporučeno na adresu, Grad Zenica Trg BiH br. 6 sa naznakom Služba za boračko-invalidsku, socijalnu zaštitu, stambene poslove i društvene djelatnosti, Javni poziv za dodjelu novčane pomoći pojedincima za nabavku GPS narukvica djeci/osobama sa teškoćama u razvoju/invaliditetom sa područja Grada Zenica.



POMOĆNIK GRADONAČELNIKA

Sumea Mujkanović

SAGLASAN :

GRADONAČELNIKA

Fuad Kasumović

